



山川典第二十三卷

歷山部彙考一


按孟子稱舜生於諸馮遷於負夏卒於鳴條東夷之人也耕處應與始生之地相去不遠自當以在山東者爲是今濟南府歷城縣以山得名相沿甚久似尤爲可信故

以此山爲正而凡他處歷山亦各分考附載於此山之後

濟南府之歷山

天下稱舜耕之歷山有八在山東者三在山西者一在浙江者三在直隸者一其在山東者一在今濟南府城南五里一名舜耕山一名大佛頭山一名千佛山

歷城縣歷山圖



濟南府歷城縣



考

按後漢書郡國志濟陰郡成陽有雷澤注禹貢曰雷夏既澤帝王世紀曰舜耕歷山漁雷澤濟陰有歷山

按續博物志濟水東北灤水出焉灤水出歷縣舊水涌若輪齊侯會于灤是也有舜妃廟對山有舜祠舜井舜耕歷山亦云在此蒲坂縣西有歷觀舜所耕歷山有舜井瀉汭二水山上有舜廟周處風土記曰舜葬上虞耕處卽始寧剡二縣山下多柞木吳越之間名柞爲櫪故曰歷山二說一以灤爲歷一以櫪爲歷未知孰是皆酈道元說

按明一統志山東山川歷山在濟南府城南五里卽舜耕處漢鄭元謂歷山在河東宋曾鞏嘗辨其非見齊州二堂記

按圖書編山東山考歷山在濟南府南五里一名舜耕山古有舜祠舜耕歷山漁雷澤陶河濱作什器於壽丘就時於負夏鄭康成釋歷山在河東雷澤在濟陰負夏在衛地皇甫謐釋壽丘在魯東門之北河濱在濟陰定陶西南陶丘亭是也。以余考之耕稼陶漁皆舜之初宜同時則其地不宜相遠

孟子又謂舜東夷之人二家所釋雷澤河濱壽丘負夏皆在魯衛之間東方之地歷山不宜獨在河東在齊者是也世因河東雷首山一號歷山瀉水所出舜娶堯女所居遷就附會謂歷山爲雷首之別號不考其寔由是言之則圖記皆謂齊之南山爲歷山舜所耕處故其城名歷城爲信然也

按山東通志山川歷山在濟南府城南五里俗傳卽舜耕處山南危石矗立如佛頭人呼爲大佛頭山亦名千佛山南屬泰山東連瑯琊崇岡疊嶂脊脉不斷通典云山有太甲塚未詳

按濟南府志山川歷山在歷城縣南五里一名舜耕山古有舜祠隋開皇間因石作形鑄成佛像又名千佛山建寺於上

按歷城縣志山川歷山在城南五里亦名佛山齊乘曰圖記皆謂齊之南山爲歷山舜所耕處故其城爲歷城爲信然也
歷山部彙考二

濮州之歷山

歷山之在山東者一在東昌府濮州城東南七十里西南接兗州府曹州界相傳爲舜耕處山下有姚城卽舜所生之姚墟也

再熟成都二鄉

漢州歷山



漢州城

姚城

曹州界

考

按水經瓠子水注雷澤西南十許里有小山孤立峻上亭亭傑峙謂之歷山山北有小阜南屬池澤之東北有陶墟緣生言舜耕陶所在墟阜聯屬瀕帶瓠河也鄭元曰歷山在河東今有舜井皇甫謐曰或言今濟陰歷山是也與雷澤相比余謂鄭元之言爲然故揚雄河東賦曰登歷觀而遙望兮聊浮遊於河之巖今雷首山西枕大河校之圖緯於事爲允

按圖書編山東山考東昌府山曰歷山漢有舜廟

按山東通志山川歷山在東昌府濮州東南七十里卽舜耕處有舜祠舊址東有再熟成都二鄉取一種再熟三年成都之義 又在兗州府曹州東六十里上有舜祠地接東昌府濮州

按東昌府志山川歷山在濮州城東南七十里卽舜耕處元千奴王耳別里伯牙吾台民卜築其下賜額歷山書院按一統志歷山一在山西蒲州一在濟南歷城并在濮者凡三援神契曰舜生姚墟應劭曰姚墟與雷澤相近今姚墟在濮與歷山雷澤河濱壽丘相望則耕處在濮明矣

帝跡帝舜有虞氏瞽瞍之子也生於姚墟耕於歷山歷山之人讓畔注按援神契曰舜生姚墟應劭

曰姚墟與雷澤相近後世稱爲姚城今濮州歷山下有姚城鄭元曰歷山在河東雷澤屬濟陰皇甫謐曰河濱屬濟陰定陶西南陶丘亭是也則舜之生與耕稼陶漁皆在兗濮之間舜疑爲濮人或謂冀州爲河東又以舜居瀉汭乃因禹貢瀉水出雷首謂歷山爲雷首之別號遂以冀州當之不知周禮職方河東曰兗州則鄭元所謂河東者以濮不以冀也好事者遂指雷首爲歷山誤矣宋曾鞏以齊之南山爲舜耕歷山又非也孟子曰舜避堯之子于南河之南按史記正義曰括地志云故堯城在濮州鄆城縣東北十五里又有偃朱故城在縣西北十五里按濮州北臨漯河在堯都之南故曰南河禹貢至於南河是也其偃朱城所居卽舜讓避堯之子於南河之南處也以此推之則舜未卽位時托跡在濮明矣 按濮州志語俱同此

按兗州府志山川歷山在曹州城東北六十里其上有舜祠又按一統志舜耕歷山在濮州東南七十里卽此地也水經雷澤西南十許里有小山孤立峻上亭亭傑峙謂之歷山澤之東南有陶墟郭緣生述征記言舜耕陶所在雷澤在今濮州則此地爲歷山無疑故皇甫謐亦以爲濟陰歷山也鄭元謂歷山在河東而周禮職方河東曰兗州其澤曰大野大野卽鉅野則河東歷山卽濟陰矣 按

曹州志語同此

歷山部彙考三

費縣之歷山

歷山之在山東者一在今兗州府費縣城西一百二十里相傳爲舜耕處其旁有舜祠

雷澤湖

費縣歷山圖



費縣



考

按兗州府志輿地攷歷山在費縣西一百二十里其旁有舜祠漏澤在其東北世謂之雷澤相傳以爲舜迹云

按明人賀逢吉尤應魯皆有辨以爲宜在泗水今志泗水不載而載于費縣亦存之

按費縣志地理攷歷山在縣西一百二十里相傳舜耕處旁有舜祠東北爲雷澤湖

歷山部彙考四

蒲州之歷山

歷山之在山西者在今平陽府蒲州城東南三十里相傳爲舜耕處其山上有舜廟下有二泉名媯
汭相傳卽堯釐降二女處

蒲州歷山圖

